

26 Julai 2012

Chong Wei jalani ujian dadah di England

05:11:05 AM Oleh Hussain Said



Hanya Chong Wei seorang menjalani ujian doping dilakukan pegawai WADA di depan pegawai perubatan kontinjen negara, semalam.

Kuala Lumpur: Adakah Agensi Anti-Doping Dunia (WADA) sangsi dengan proses pemulihan pantas ditunjukkan jaguh badminton perseorangan negara, Lee Chong Wei?

Persoalan itu timbul apabila pangkalan latihan skuad badminton negara di Bath University pagi kelmarin dikejutkan dengan kehadiran pegawai WADA bagi menjalankan ujian doping ke atas sandaran utama negara itu tatkala tirai Sukan Olimpik London 2012 tinggal 72 jam disingkap secara rasmi.

Kedatangan pegawai WADA secara mengejut itu mungkin mencetuskan persoalan tetapi sebenarnya ia adalah perkara biasa untuk seseorang atlit bertaraf dunia seperti Chong Wei menjalani ujian di luar pertandingan walau berada di mana sekali pun.